

福建通志



新

通

通

志



皇朝方域志二百卷建安王希先著直齋書錄解題云凡前朝謂之譜十六譜爲八十卷本朝謂之志爲一百二十卷譜敘當時事實而注以今之郡縣志述今日疆理而繫於古之州國古今參考譜志互見地理學之詳明者無以過此矣嘉熙二年上於朝得永免文解其父珪已未進士試詞科不中頗該治希先述其遺稿以成此書道光通志云陳氏作東陽人馬氏通考引之並同然其父珪本建安人

方輿勝覽七十卷建陽祝穆著四庫全書總目云穆字和甫宰執程元鳳蔡杭錄所著書以進除迪功郎爲興化軍涵江書院山長是書前有嘉熙己亥呂午序蓋成於理宗時所記分十七路各係所屬府州軍於下而以行在所臨安府爲首蓋所述者惟南渡疆域而已書中體例大抵

福建藝文志 地理 總志 宋

福建通志 卷五

於建置沿革疆域道里田賦戶口關塞險要他志乘所詳者皆在所略惟於名勝古蹟多所臚列而詩賦序記所載獨備蓋爲登臨題咏而設不爲考證而設名爲地記實則類書也然採摭頗富雖無裨於掌故而有益於文章摘藻揆華恆所引用故自宋元以來操觚家不廢其書焉考葉盛水東日記稱元絳閱忠詩石刻在康州方輿勝覽乃載在封州又誤以爲魏砥作亦謬數字幸真蹟石刻尚存三洲巖中則小小舛錯亦所不免要不害其大致之詳瞻爾天祿琳瑯書目云祝洙跋稱先君子方輿勝覽行于世者二十餘年版老字漫遺工新之重整凡例分爲七十卷又云元本拾遺各入本州之下新增五百餘條並標出是此書不盡爲祝穆之舊矣編次首浙西訖利州凡十七路每州郡分標事要二十門洙寶祐中進士景定間爲涵江書院山長郡守徐直諒薦其詞向不凡學問有本呂午序云卷首標出郡名風俗形勝土產山川學館堂院樓閣亭榭井泉館驛橋梁佛寺道觀古蹟名宦人物題詠凡二十

門每段標題則以大字列於兩行之中各州風物見於古今詩歌記序之佳者率全篇登入其事實有可拈出者則纂輯爲體語附於各州之末儀顧堂題跋云其書首序建置沿革次爲事要以白質黑文別之事要之中分各類以黑質白文別之王象之輿地紀勝亦成于理宗時與穆同時不相謀而相似象之繁而和父簡象之意在備作詩之用故所采詩幾倍于和父此則意在備四六之用故所採四六倍于象之以上志略十六卷懷安廖世昭著四庫全書總目云世昭正德丁丑進士官國子監博士是書首題南京兵部武庫司刊行蓋當時官本前載周禮職方氏九州全文其後每省爲一圖而終以四裔各略載其沿革山川人物古蹟土產并訛缺略殊無可觀其四裔一卷傳聞附會尤多失真大明輿地圖六十卷甌寧李默著傳維麟明書云隆慶二年重修案于頤堂書目有天下輿圖一卷

輿地名勝志一百九十三卷存八卷侯官曹學佺著晦明軒稿云石倉以福建藝文志 地理 總志 宋 明

二

福建通志 卷五

博洽聞一時其藏書亦最富此輿地名勝志前有自序自道其著此書原委閱十年而後成其採摭郡縣方志甚備且多祕文墜冊自提要有願無倫次時亦舛訛不著出典之謂附於存目中其聲稱遂微自全謝山趙一清校水經注孫淵如纂續古文苑多所取資好古者始稍稍重之余謂他不具論即其將水經注分縣割隸此非熟於古今沿革心有識別者而能之乎唯其著書之意不在沿革古蹟而在於名勝名勝爲古所無者不得不取近代方志故不著所出意欲成一家言然其引唐以前古書又未嘗不載出典也平心論之上擬元和郡縣志太平寰宇記誠不足以視祝穆方輿勝覽王象之輿地紀勝則爲簡而要矣全謝山謂其引水經注與今本多異又有出於今本之外者遂疑石倉所見水經注有出於樂永言之前者此則不然良由石倉用力於地學甚久於水經注必別有校本其附入此書未暇著明其說至於水經注逸文則必得之古方志而亦未著所出此則不能不爲石倉憾耳石遺室書

錄云明史藝文志作一統名勝志九十六卷

方輿互考四十卷補遺一卷同安盧若騰著道光通志云續通志互考譌作圖考四十卷譌作十一卷是書為若騰手鈔其有增入者率以片紙黏連歲久脫落其孫勗吾為重鈔又隨記二冊乃若騰成書之後泛覽所及錄存以俟再增者勗吾依原門類分為補遺一卷案若騰字閑之

崇禎庚辰進士唐王時官至兵部尚書

天文地輿圖大田蕭一槐著案道光通志一槐崇禎間貢生而選舉志宗

禎貢生有蕭一新而一槐未見明以上

坤輿全覽簡便建寧廖光斗著閒居偶錄云予邑廖光斗字文垣年七十尚探十三省名山勝境歷朝名人詩詞集成一編名曰坤輿全覽簡便足資遠游攜玩韻以上

福建藝文志 地理 總志 明 清

三

福建通志 卷二十一

福建藝文志卷二十八

史部十一

地理類一 都會郡縣一

閩中記十卷閩縣林誥著直齋書錄解題云慶曆中有林世程者重修其兄世矩作序謂郡人義高不仕當大中時世程亦郡人也其言永嘉之亂中原仕族林黃陳鄭四姓先入閩可以證閩人皆稱光州固始之妄閩書云諸善屬文搜掇異聞作閩中記十卷韻以上

漳州圖經漳浦吳與著自序云唐垂拱二年陳元光平潮州寇奏置州縣勅割福州西南地置漳州初在漳浦水北因水為名尋以地多瘴疠吏民苦之乞遷他所開元四年勅移就李澳川置郡遂廢安縣地自初置州隸福州都督府開元二十二年勅割隸廣州二十八年勅復隸福州本二縣一曰漳浦即州治也二曰懷恩二十九年勅以戶口逃亡廢之併入漳浦又割泉州龍溪縣隸本州大曆十一年福建觀察使皇甫政奏割汀州龍巖縣來屬十二年勅從天寶元年改為漳浦郡乾元元年復為漳州興元二年刺史柳少安請徙治龍溪福建觀察使盧基錄奏貞元元年勅從之遂以龍溪城為州定管龍溪漳浦龍巖三縣案興元可權元豐五年進士官廣南東路提點刑獄自序言沿革年分與元和志新唐書多不合其敘乾元元年於大曆十二年之後其最謬者也以大曆十一年為十二年乾元二年為興元二年皆誤

福建藝文志 地理 都會郡縣 唐 宋

福建通志 卷二十一

長樂圖經長樂林通著袁正規序云長樂在十二邑中地非沃壤魚鹽之利歲上於公家者居諸邑最其餘文物之盛山川之美閩記闕然正規乃屬邑人林通博採其事為之圖經或有未完以待好事者補之可也元祐三年案通元祐閒鄉薦

玉融志福清林亦之著林栗序云是書本名福清圖經以邑有玉融峰遂稱玉融志

延平志十卷劍浦廖拱廖挺同著直齋書錄解題云郡守新安胡舜舉汝

士與郡人廖拱廖挺哀集時紹興庚辰也序言與財江志並行蓋其爲建昌守亦嘗修圖志云案拱紹興二年進士挺紹興二十一年進士

淳熙漳郡志莆田李綸翁允福州許楫等同著綸序云我判院趙公綱來式是邦大率先撫字尊校庠務使天子德意條暢乎山谷川澤一無底滯而後已夫以漳士紀漳俗極所美而無隱恐後人莫之信或有遠來之賢能習漳俗者得一二人以秉筆雖大書深刻後世必無敢議者綸退而徧尋諸郡縣學得二人焉曰莆陽翁允三山許楫遂以淳熙五年秋成書道光通志云宋李綸有三一邵武李綸爲綱之第一晉江李綸爲邵之子官提舉廣東常平一莆田李綸紹興三十年進士官漳州教授以時地論之此蓋莆田李綸也

南安志二十卷補遺一卷莆田方松卿許開同著直齋書錄解題云太守方松卿教授許開案宋史藝文志但著許開且無補遺一卷松卿字季申隆興元年進士官至京西轉運判官開邑貫未詳

福建藝文志 地理 都會郡縣 宋

福建通志 總卷二五

靜江府圖志十二卷仙遊蔡戡著郡齋讀書後志云右嘉泰癸亥帥蔡戡修以高宗皇帝除太傅靜江奉寧軍節度使桂州牧兼鄭州牧制詞列簡編端案戡字定夫乾道二年進士官至寶謨閣直學士

建安志二十四卷續志一卷建安林光等著直齋書錄解題云刪定官郡人林光撰慶元四年郡守永嘉張叔椿俾僚屬成之續志嘉定十二年府學士人所錄案光字子輝乾道二年進士

廣陵志十二卷福州鄭少魏會稽姚一謙同編直齋書錄解題云教授三山鄭少魏江都尉會稽姚一謙撰紹熙元年太守鄭興裔案少魏乾道八年進士籍懷安

嘉禾縣圖經建陽劉淮著後村大全集有序云雙溪建康邑山明水秀茶笋妙天下南渡名公鉅儒接踵奮興文物大備曩余爲宰於斯得劉溪翁圖經手稿甚詳密後見建安新志多採于溪翁溪翁名某字叔通案嘉禾卽建陽後村曾宰焉

岳陽志二卷建安馬子嚴永嘉張聲道著直齋書錄解題云中興建安馬子嚴父乙集永嘉張聲道聲之所修皆郡守也案子嚴號古洲淳熙二年進士

姑孰志五卷長樂林桷編直齋書錄解題云教授長樂林桷子長撰太守楊愿原仲也寔淳熙五年

淳熙三山志四十二卷晉江梁克家著自序云予領郡暇日訪無諸以來遺蹟故俗聞晉太康既置郡之一百十三年太守陶夔始有撰記又四百五十六年至唐郡人林謂復增爲之皆散逸無存獨最後一百九十二年慶曆郡人林世程所作傳於世迄今又一百三十九年興廢增改率非其故闕不書者十九矣乃約諸里居與仕於此者纂集討尋斷簡援據公牘探諸長老所傳得諸閭里所記上窮千載創建之始中閱累朝因革之由而益之以今日之所聞見凡分九門一地理二公廨三版籍四財賦五兵防六秩官七人物八寺觀九土俗四庫全書總目云克

福建藝文志 地理 都會郡縣 宋

福建通志 總卷二五

家字叔子紹興三十年廷試第一累官右丞相封儀國公卒諡文靖曝書亭集有跋議其附山川於寺觀未免失倫今觀其人物惟收科第士俗附出諸職亦皆於義未安然其志主於記錄掌故而不在誇耀鄉賢侈陳名勝固亦核實之道自成志乘之一體未可以常例繩也其所紀十國之事多有史籍所遺者亦足資考證視後來何喬遠閩書之類門目猥雜徒圖耳目者其相去遠矣浙江採輯遺書云所載自無諸以來及晉建康始置郡下迄宋代潛邱劄記云建置沿革斷自周職方之有七閩始不上繫禹貢潛學堂文集云宋史藝文志謂之長樂志其實一書也今本作四十二卷其第卅一第卅二兩卷進士題名乃淳祐中福州教授朱繼孫續入者目錄本附於第卅之後但云第卅中第卅下未嘗輒更舊志卷第後人析爲四十二者又非繼孫之舊矣志成於淳熙九年五月而知府題名增至嘉定十五年他卷間有闕入淳祐中事者皆後人隨時僞入也宋史本傳於乾道罷相以觀文殿大學士知建康

府之後即云淳熙八年起知福州據志克家於淳熙六年三月以資政殿大學士宣奉大夫知福州則傳稱八年者誤志又書八年五月復觀文殿學士此即史所載趙雄奏欲令再任降旨乃知福州事是時克家莅任已滿二年故有再任之旨因復其職名史誤以再任之年爲初任之年則甫經到任不當云再任矣且克家於罷相時已除觀文殿大學士越數年起知福州止帶資政殿大學士又二年始復觀文殿學士仍無大字則知建康以後必有落職奉祠之事而傳皆闕之續筆精云中

有稱縣曰望曰繁者人多不解其義蓋唐制三千戶爲望二千戶爲繁

宋志因之耳鐵琴銅劍樓書目云直齋謂其時陳止齋通判州事志多出其手石遺室書錄云此書第三十一卷首朱繼孫小序云進士題名

前卷迄于淳熙丁未自紹熙庚戌至淳祐丁未凡二十六舉淳祐戊申

鄉帥可齋陳公命編置爲一卷云云然淳祐十年實祐元年實祐四年

共三榜列在二十二卷者終未詳所由來四庫提要及向來著錄家皆

福建藝文志 地理 都會郡縣 宋

四 總編卷二五

未議及且此書標題應並稱朱繼孫補始得有四十二卷也

高涼志七卷莆田劉棠著直齋書錄解題云教授莆田劉棠撰太守春陵

義太初嘉泰壬戌任案廣東通志輿地紀勝作高州新圖經宋志有義

太初高涼圖志七卷即此書道光通志云宋劉棠有一其一龍巖人元

祐進士官樞密院編修此則紹熙元年進士也

鄞江志八卷邵武李皋著直齋書錄解題云鄞江志邵守古靈陳昱日華

俾昭武士人李皋爲之郡有鄞江溪故名案汀州水名鄞江故稱鄞江

志道光通志乃不從直齋書錄而改稱汀州志不知何故

仙溪志十五卷惠安黃巖孫著後村大全集云吾郡三邑仙遊最鉅其山

川之美戶口之眾前未有紀載者少府黃君始爲縣志釐十五卷君名

巖孫字景傳溫陵人秩滿臺郡皆以才薦將去爲潮州郡文學巖孫自

序云官長趙侯與泌俞邑士之請屬筆於巖孫遂撫之前聞質之故老

參之二蘇君國台攀龍黃君堯俞越半載而書成案藝風藏書續記作

四卷云傳鈔本題迪功郎興化軍仙遊縣尉黃巖孫編有自序及陳堯

道劉克莊序書作於寶祐丁巳而進士題名及咸淳景炎後入次第增

入非原本矣

和平志邵武上官著後村序云和平里在邵武縣南鄉里有危氏上官氏

黃氏上官氏尤盛自景祐至嘉定三姓擢進士第者二十餘人入太學

預薦者不絕起徒步至顯官因而傳子孫爲世家榜籍述書衣冠襲起

者不可以數計也然以科目官職世家定榮悴盛衰蓋近世俗人之論

吾聞古之君子所謂沒而不朽者不在是也上官氏對策熙寧不附新

法晚入元祐黨籍其子留守汴都不屈於敵而死二公所立如此近於

天下之善士矣豈特足以重吾里哉

清湘志六卷德化林瀛著石遺室書錄云直齋書錄解題稱是書爲嘉泰

二年邵守永嘉陳峴俾教授林瀛修八閩通志選舉表有慶元二年進

士德化林瀛當即此人宋史藝文志以爲余元一作元一仙遊人第進

福建藝文志 地理 都會郡縣 宋 元

五 總編卷二五

士先編十八年蓋同時之人必有一誤或同編而漏其一直齋書錄在

先姑從之

嘉定泉州志光澤李方子著道光通志云知泉州府事休寧程卓修方子

時爲觀察推官

秋浦新志十六卷福寧王伯大著直齋書錄解題云三山王伯大幼學以

前志缺陋重修時以庚節攝郡事端平丙申也道光通志云是編伯大

自序宋志有胡兆秋浦志八卷此稱新志蓋在胡書之後也案伯大號

留耕嘉定七年進士官端明殿學士參知政事福寧自唐開元後皆屬

福州至元始升爲福寧州故伯大實今福寧人而或稱三山或稱福州

昆陵志十二卷福州鄒補之著直齋書錄解題云教授三山鄒補之

武陽志邵武黃鎮成著道光通志云晉明帝太寧元年改邵武爲邵陽一

作武陽又案元史藝文志補但載陳士元志而不及是志上官補序稱

有黃存齋陳賜谷二志元序稱既得陳士元武陽志略又見存齋之後

家藏武陽志則陳黃同時各有志乘也以上

洪武泰寧縣志泰寧梁禮著案禮字敏和號兼善先生洪武初以儒士薦授本邑訓導遷沙縣教諭

玉融志福清馬英著道光通志云志修自馬英陳璜搜殘補缺重加考訂義例簡嚴學者稱之案英洪武辛亥舉人官泉州同知

永樂崇安縣志四卷崇安邱錫彭善江仲昂邱廷輝同著錫爲之序案錫字永錫建文己卯舉人善仲昂廷輝皆永樂間諸生

正統龍巖縣志三卷龍巖王源蘇孔機同著案巖之有志自源孔機始源字啓澤永樂甲申進士官至潮州府知府孔機名疇以字行正統間貢生

建陽縣志四卷雜志三卷續志一卷建陽黃璿著四庫全書總目云是書成於景泰庚午卷首於輿圖之外增以先賢畫像十二傳刻失真始可不必雜志三卷亦璿所作而題曰知非子黃景衡集景衡即璿之字見

福建藝文志 地理 都會郡縣 元 明

六

福建通志 卷二五

前志劉章目錄序中蓋其書乃修志之餘撫拾佚事因同於小說家流故署其號也續志一卷乃弘治甲子邑人袁銛所撰名繼前志實則體例各殊

弘治仙溪新志十六卷仙遊陳遷著自序云弘治辛亥朝列大夫江西布政司右參議邑人槐林陳遷書於倦飛館案遷初名僊字漢崇天順甲申進士

龍川縣志莆田鄭儒等著案儒天順間貢生成化十九年修

臨汀志一册石遺室書錄云鈔本無卷數約百餘葉不著撰人姓名首述

全部建置沿革帶敘長汀次寧化次清流次上杭次武平次連不作城

其六縣分望中下三等次言郡界里數次言郡城至各縣界里數次分

言各縣至各縣界里數以某水某山爲界次言水道次言各縣城內坊

巷次言城外鄉里墟市次言土產等而不及人物次言山水以及陂塘

井泉其書每稱元一統志及洪武某年爲明成化以前人所作蓋成化

六年始析置歸化縣十四年始析置永定縣是書皆未及也

弘治八閩通志八十七卷莆田黃仲昭著自序云今御用監太監五羊陳

公奉命鎮閩雅好文事藩臬諸君子因以諸郡之志久曠不修爲言公

慨然曰誰可屬筆者諸君子僉以仲昭爲宜公乃具書幣俾行部憲臣

踵門而請焉仲昭不辭而爲定其凡例隨事分類爲大目千有八所統

小目凡四十有二每類則合八府一州之事以次列之其間若地理食

貨秩官學校選舉壇廟恤政宮室邱墓古蹟之類皆因諸郡所采事蹟

隨其詳略稍加刪次或過營建修治之得宜而可以示法於後世者始

備錄之至於人物一類志或有未載及載而未盡者必旁搜博考尤致

其意焉如福之人物舊志俱未有登載今則以進士郡人林謹夫所輯

鄉賢傳及閩邑庠司訓蘭溪鄭權所輯郡志采入莆之人物舊志亦未

有類粹而歸于一者今則以郡人方先生時舉所著人物志吳先生源

所著名公事述及今少司寇彭先生韶所輯莆陽志采入建寧舊志已

福建藝文志 地理 都會郡縣 明

七

福建通志 卷二五

亡成化初郡守安成劉鉞嘗修之未及成而遷擢遂並攜以去陳公特

遣使詣其家訪得之今悉因其所載者采入延平則有郡庠司訓縉雲

樊阜所修志邵武則有前郡守南充馮孜後郡守仁壽劉元所修志泉

漳汀三郡志則皆近日郡人所纂輯者今所采人物皆因之又慮局於

見聞之偏而於公論有未協也復屬膳部主事莆田宋端儀重考論而

去取焉時預纂修者前黃梅司訓三山龔章麗水司訓宗姪洙儒士莆

田熊晟張元紳及樊鄭二司訓也終始相成其事惟元紳及洙之力爲

多提督采取諸郡事蹟及綱領纂修之事者提學僉憲金陵任君彥常

實任之若夫錄廩筆札書人刻工之費則皆陳公所自區畫一芥不以

煩有司四庫全書總目云仲昭名潛以字行成化丙戌進士官至江西

提學僉事其書於輿記之中較爲詳整然以戶口水利列之食貨門中

則牽強不倫此創例之未協者也

弘治邵武府志二十卷黃仲昭著自序云成化癸巳前守馮師虞修纂邵

武府志自笑見偏不能無少去取損益於其間也搜求遺志得宋上官氏和平志元陳士元武陽志略又得上官弋陽郡志及存齋之後家藏武陽志於是三復披閱察互增損自春三月逮秋九月始脫稿弘治乙丑

弘治延平府志黃仲昭著未軒文集云延平一志實宋端平中所修最爲簡略志名官人物但列其姓字邑里而已其他可知繼得郡學司訓樊君阜所修新志雖視舊志頗詳然較諸他郡竟疎濶弘治丁巳華亭孫侯衍以名進士來守是邦首詢郡志謀於今致仕宮保劉公先屬將樂縣掌教張聰沙縣掌教向一作海將樂司訓朱導草創編纂爰具書幣詣弊廬而請遂爲之發凡例取三文學所編纂者彙括刪潤釐爲若干卷並爲之序

正德漳州府志三十四卷莆田周瑛著天一閣書目云正德癸酉周瑛纂修陳洪謨序云予承乏漳南民謫其先世遺物有曰清漳志者俾持以福建藝文志地理都會郡縣明

來則紙微墨濡漫不可讀揭其端乃宋淳祐志者用是慨然有動於中竊念作志非難作志而信今傳後爲難莆田致政之老翠渠周先生非其人歟乃具書幣詣莆以請瑛自序云陳侯武陵人以漳州自唐垂拱至大明正德壬申歷八百有餘年惟淳熙嘉定淳祐六七十餘年間凡三修志其他上下寥濶無聞非闕典耶侯乃專介捧書幣告瑛侯嘗令六縣備採事蹟又聞已故林生祺著漳獻備忘因取以來瑛得會萃而觀之定吏戶禮兵刑工爲六紀如莆志焉

弘治興化府志五十四卷周瑛黃仲昭同著周瑛序云弘治己未陳公志學起江東來爲興化府長吏又明年辛酉乃開局南山僧舍延瑛與黃君仲昭修郡志瑛謂吾鄉自宋紹熙成志以來經今三百又十年矣元翻刻紹熙本而不自修志國朝永樂景泰若岳若彭相繼修志要皆未成之書及是告黃君曰是書頭緒多宜分治黃君曰君領總志予領人物志合之爲卷五十四綱六十五目二百五十七仲昭後序云仲昭所

治人物志則合前後諸志所載各舉其一節之盛者爲之類例而哀次之若近代人物前志未及載者各以類從至於前代姦佞諸臣亦錄附於篇以示戒焉弘治癸亥三月序

莆陽御史周瑛著道光通志云瑛與黃仲昭同修興化府志持論時有不

同故自稱拙史蓋別行本也

成化邵武府志三十六卷邵武甯堅著案成化癸巳知府馮孜修堅字永貞成化辛卯舉人官鳳陽同知

弘治長樂志長樂劉則和等著邑令王渙序云宋元祐間進士林通作圖經蓋略而不備國朝永樂間纂縣志復廢而不傳乃走書幣延致秋官劉則和邑博潘君授來總其事邑之秀士陳良貴鄭文靜陳坦輩考訂而纂輯之案則和字至樂成化戊戌進士

弘治南安縣志十五卷南安傅凱著自序云弘治己酉臨川黃侯濟下車策士有意修志六年政成適屬予與諸生黃麒柯信洪文輩互相纂修福建藝文志地理都會郡縣明

分爲三十六目總爲十五卷案凱字時舉成化戊戌進士

嘉靖汀州府志十九卷清流伍晏著天一閣書目云郡守邵有道總裁訓導郡人伍晏編輯並序劉震序案晏弘治己酉舉人

嘉靖福清縣志十卷莆田林有年著林富序云宋先賢林亦之黃鐸著有

玉融志已漸滅無傳嘉靖癸巳冬大參龍山陳公分守諭邑令朱君冕

曰福清巨邑志以稽文獻宜乘時舉之考覽山川表章文物守土者之

責也諭令以莆寒谷林先生文章氣節立言足徵盡請董厥成令奉命

唯謹謀之司訓方君倣黃君陞暨邑庠諸生融然從事遂令邑丞周瀾

往請於甲午閏二月寒谷公至玉融寓聖蹟寺始事斯役旁搜窮討參

古證今歷六十日而志成案有年字以永弘治壬子舉人官至貴州按

察副使

嘉靖安溪縣志八卷林有年著自序云安溪尹黃君德和承憲劄以修志事役於予窮搜博採編輯成書釐爲十卷其目五十有四嘉靖三十一

年又序云嘉靖己丑修安邑志已入梓矣辛亥又有纂修前志之役王
子季夏庠生蔡子志孝吳子主恕持其己丑以後志中事蹟屬余詮次
成書案是書始於嘉靖八年縣令蕭山黃懌續成於嘉靖三十一年縣
令欽縣汪瑞前後皆有年纂修續志與邑教諭桂林李端其輯惟有年
前序稱十卷而合諸續修天一閣書目僅云八卷殆續時刪節之歟
嘉靖仙遊縣志八卷林有年著天一閣書目云嘉靖戊戌有年纂修並後
序林富序

福州舊志十二冊閩縣林庭樞著紅雨樓題跋云舊府志十二冊刻在正
德庚辰未及百年故家鮮有藏者自今以往愈不可得矣子孫其慎重
之哉王子仲夏徐興公書案庭樞字利瞻弘治己未進士官至工部尚
書道光志作正德福州府志四十卷

嘉靖江西通志三十七卷林庭樞崑山周廣同著四庫全書總目云庭樞
字利瞻弘治己未進士官至工部尚書諡康懿廣字克之崑山人弘治
福建藝文志 地理 都會郡縣 明 十 總編通志 卷二五

乙丑進士官至南京刑部右侍郎是編乃嘉靖中庭樞官江西布政司
參政廣官按察司副使時所作凡藩省志三卷諸府志三十四卷藩省
志分十三門諸府志分二十七門體例略同他志惟敘完一門仿諸史
敘臣酷吏傳例以示鑑戒獨爲小異

河源縣志蕭田鄭敬道著案是編正德丁丑敬道官河源縣時修敬道字
自修弘治甲子舉人

龍溪縣志八卷龍溪林魁惠安李愷同著天一閣書目云明嘉靖甲午輯
案魁字廷元弘治壬戌進士官至廣東參政愷字克諧嘉靖壬辰進士
官湖廣按察副使

弘治建陽縣志四卷建陽趙文著天一閣書目云弘治十七年邑人趙文
修並序又弘治十七年知縣馮繼科纂修十六卷文序之

嘉靖建寧府志二十一卷甌寧謝純朱聿楊廷麟鶴齡黃封張雲漢楊應
詔等輯郡人范嵩序案純字梅岐正德丁卯舉人官海州知州嘉靖

甲午應天舉人鶴齡嘉靖甲午舉人
延平府志十七卷南平鄭慶雲著天一閣書目云慶雲纂並序林錢序案
慶雲字舜祥正德甲戌進士官南京禮科給事中

嘉靖惠安縣志十三卷惠安張岳著自序云邑志十三卷自嘉靖庚寅春
邑大夫莫侯敬中以纂述之職屬余余爲採摭故實旁徵故老聞見擇
其可以厚民生善風俗興政務者次第成卷卷有題詞不發凡起例所
以纂述之意各於敘論見之天一閣書目云林應標序何彥跋

福州府志閩縣劉世揚林炫同著乾隆福州府志凡例云明府志凡四一
修於正德庚辰一修於萬曆己卯一修於萬曆壬子其一爲萬曆間郡
人袁表撰道光通志云千頃堂書目所載林庭樞林煥袁表林材四家
是也劉世揚林炫合撰府志則在所稱四志之外案世揚字實甫正德
丁丑進士官至河南提學副使炫字貞孚正德甲戌進士官至通政司
參議

福建藝文志 地理 都會郡縣 明 十一 總編通志 卷二五
永春縣志九卷同安林希元著天一閣書目云明嘉靖輯林鈇序
欽州志九卷林希元著天一閣書目云希元知欽州事時輯並序

高明縣志懷安陳坡著案坡號東岐嘉靖五年坡任高明時修
隆慶泉州府志二十一卷晉江黃光昇著自序云泉爲七閩上郡獨宋淳
祐間有清源志歷元以至我朝嘉靖癸未間高侯越始聘荀江史公

光澤峰張公岳修逮今又四十有六年矣萬侯來守是邦余適奉聖恩
歸田里萬侯輒屬余與少司徒小竹黃公總其事焉案光昇字明舉嘉
靖己丑進士官至南京刑部尚書

地圖經傳黃光昇著道光通志云泉州府藝文志及張汪傳稱是書爲汪
作而楊志屬之光昇恐誤他無證據姑存之

嘉靖邵武府志十五卷晉江陳讓著四庫全書總目云讓字以禮嘉靖壬
辰進士官至監察御史是編成於嘉靖癸卯分天文地理王制人物外
志五大綱繫以二十八子目附以三國三表其特創之例在以應侯附

星野遂使農家占驗冠於郡邑建置之前蓋率於天文自爲一門不得不歸其實分野之說以二十八宿割屬九州既已聚訟以嶺外蠻荒之地引而測驗於揚州益茫然矣揚州占牛女既已疑似邵武一郡而亦占牛女更牛之一毛矣故劉基清類天文分野之書今推步家不用近時李光地汪禹貢亦主闡屬揚州之說是猶楊僕移關耳非篤論也又人物門中別立李忠定世家一篇何李二氏世家一篇亦爲創例世家者以爵土世其家也司馬遷以特筆尊孔子蓋以子孫世守其祀顏曾孟以下無不列傳矣李綱等雖曰賢者豈可僭用孔子例乎

興寧縣志南靖吳梯著廣東通志云梯嘉靖十一年任興寧時修案牒正德已卯舉人

嘉靖延平府志二十二卷南平游居敬著自序云吾郡延平舊有宋端平志邈莫可觀弘治間太史黃仲昭嘗輯之嘉靖初郡守南嶠陳公能又屬掌科劍溪鄭舜祥重輯之距今三十餘歲循良疊登賢俊登財賦

福建藝文志 地理 都會郡縣 明 三

贏縮時爲變通又郡舊轄邑六近析大田爲七山川土田官署經制皆舊志所未有嘉靖丙辰郡守龍溪彭侯澄檄屬邑擢採事蹟分縣纂修而總其成於余案居敬字行簡嘉靖壬辰進士官至南京刑部侍郎嘉靖漳平縣志十卷漳平曾汝檀著湛若水序云漳平舊無志有志自廟齋始也漳平舊未有進士破天荒亦自廟齋始也案鄭汝檀字嘉靖王長榜官山東鹽運使

職官而詳於兵馬錢糧略於文事而詳於武備於志乘之中別爲體例然較之舊山水誇人物輯詩文者其有用無用則迥殊矣意古者輿圖不過如是後來者踵事增華失其本耳前有嘉靖壬寅湛若水序極稱之錢曾讀書敏求記亦稱其簡而要云

清遠縣志莆田洪子誠著廣東通志云子誠嘉靖四年任清遠時修正德庚午舉人

武寧縣志六卷閩縣徐麟著天一閣書目云邑人潘槐同修嘉靖二十二年陸深序案麟字士祥嘉靖甲午舉人官密雲知縣

萬曆興化府志三十六卷莆田康太和著自序云甲戌之冬巡臺姚江孫公綜按臨茲土授意於郡守呂侯一靜舉其事聘和與尙書林公雲同爲總裁以前給諫黃公謙方公萬有前省郎徐君觀瀾方君攸躋副之方議開局林君以應召行余乃創立凡例釐爲八綱綱凡幾目授諸君各領其二校訂斯役者諸生黃子洪鸞柯子茂竹黃子若獻也例得並

福建藝文志 地理 都會郡縣 明 三

書案太和字原中嘉靖乙未進士官至南京工部尙書新寧縣志十一卷閩縣陳元珂同安王臣同著案元珂字仲聲嘉靖乙未進士官湖廣參政臣嘉靖舉人二十一年知縣事時修惠來縣志五卷侯官林春秀著案春秀字彥甫嘉靖丁酉舉人官惠來縣時修古田林春秀別是一人

分祀典戎備公署職員 官名宦各目人文分選舉先儒名賢忠烈良吏先達孝友隱逸文苑 鄉行遷寓方技烈女各目雜物分古蹟時事即墓寺觀各目目前有郡城總圖福州府總圖閩縣侯官古田閩清長樂連江羅源永福福清各縣 首題資善大夫南京禮部尚書郡人林燦輯舉人袁表劉鎮太學馬 次同修郡諸生王應山張事心陳夢槐方邦治王湛葉常彥纂善本書 至藏書志云此書前題林燦輯實則袁表所手撰也燦字貞恒嘉靖二十六年進士官至南京禮部尚書諡文恪表字景從閩縣人嘉靖戊午舉人授中書舍人歷官黎平太守此志前後無序跋凡例不知修於何時據鄉舉表終於萬曆七年則成書當在十年前也案袁表別纂有二十四卷之福州府志善本書室說恐悞

萬曆漳州府志龍溪謝彬著知府羅青霄序云宋有淳熙嘉定淳祐志我朝陳尚吾公修壬申志盧士田公修庚戌志及予至郡前志燬於獄犯乃屬王生彥草創其繁總裁於謝吾溪公公在戶署時嘗修郡志守廣福建藝文志 地理 都會郡縣 明 西 福建通志 總卷二五

州時官修府冊事宜而於桑梓之邦則聞見習熟而品藻素定又兼述作義存勸戒真不負斯舉也案彬字文華嘉靖甲辰進士官至山東副使新興縣志福安林藩著廣東通志云嘉靖二十八年修案藩嘉靖間貢生施州衛教授

海州志十卷惠安張峰著大一閣書目云明隆慶壬申張峰修河陽陳文燭序知州仁和鄭復亨跋案峰字維直號養齋嘉靖庚戌進士官至四川按察司簽事左遷通判

萬曆永春縣志十一卷晉江朱安期著道光通志云州志修於嘉靖丙戌再修於萬曆丙子是明志祇有此二書劉龍丙子志後序又稱以丙戌同安林次崖先生所修志為經以甲寅莆中荆游公續志為緯則丙戌丙子之間尚有甲寅一志案安期字子和嘉靖庚戌進士官至廣西簽事

嘉靖長汀縣志十卷長汀康誥著楊昱序云長汀為汀郡負郭舊未有志凡有所考率取於省郡之書嘉靖壬子縣尹信州來渠就侯尹邑註其事於庠生康子誥已則係為折衷三閱月而書成凡十卷案此志未刊本諸字寅湖

隆慶永州府志十七卷晉江史朝富南海陳良珍同著四庫書目云朝富嘉靖癸丑進士官永州府知府良珍官永州府推官永州志編於成化續於嘉靖朝富謂前志核而簡後志詳而雜因斟酌其間以為此志成於隆慶庚午凡圖經一紀一表三志七傳五惟既作郡邑紀復作郡邑表殊為繁複又人物表一卷自漢訖明第其差等雖宗漢書之例亦非志書之體

萬曆福州府志二十四卷閩縣袁表著道光通志云林燦福州府志百列姓氏稱燦輯而表與劉鎮馬榮同修則燦與表實共成其書然燦書三十七卷此稱二十四卷黃氏書目均著於錄蓋表別有是書復與燦同福建藝文志 地理 都會郡縣 明 五 福建通志 總卷二五

纂也案表字景從嘉靖戊午舉人官至黎平知府闕大記五十五卷侯官王應山著水明樓集有序云吾鄉王懋宣先生有司辟修郡志為總裁林文恪公所嘗識又修通志會文恪卒中廢燦官收所屬草作闕大記起萬曆戊寅迄辛巳凡若干卷從兄懋復知公為之序尋以疾輟令子毓德足而成之自壬寅以後事皆毓德筆也懋宣所撰次率後才具而先品格敘世家則系以徽國作列傳則冠以儒林列名臣而陰以次為低昂考名賢則別其彙為論斷撰名宦而不遺流寓錄死事而並及武功才弗可廢品有遺議者悉以雜傳次為貞節之後若前奸宿佞迷國誤朝則又以前鑒附焉左海文集云今殘闕僅存其半聞漳州一家有全本訪之終莫得其真

閩都記三十三卷王應山著左海文集序云道光九載宮保尚書孫公以閩志開闕設局編纂而吳中梁芷林藩伯以閩都記來康熙末謝又紹閣學所藏鈔本也文字譌脫不可勝舉又缺第七卷假得東郊王氏殘

刻本第七卷通具令人繕錄且訂正諸卷舛漏補卷首陳价夫等城圖數篇而是編始完久之督府衙官卜君鳩資付剞劂其書紀首郡九縣福寧州二縣以坊市爲經以山川寺院宅墓古跡爲緯臚載題詠以佐之其例蓋倣於方輿勝覽所徵宋元明人詩今多遺佚其事實亦多郡志所未詳視淳熙三山志之附山川於寺觀正德漳州志之列山川於戶紀體裁得失相去何如也乾隆中詔求天下遺書此編未收入四庫度其亡已久然曩者潘敏惠志小西湖魯秋睦志福州並援及之則海內豈更無善本流傳與課餘續錄云以省城爲經其餘各隨東西南北等門之所及備采其名勝人物條理分明易於尋檢四至八到按圖瞭然蓋以都會爲屬縣之綱故命名閩郡記

萬曆福安縣續志福安劉元祐著案知縣廣昌毛萬彙修萬彙廣昌舉人

萬曆二十八年任元祐嘉靖閒貢生

萬曆福安縣志九卷福安陳世理著案世理字朝燮嘉靖閒貢生知縣陸

福建藝文志 地理 都會郡縣 明

六

福建通志 總卷二五

以載烏程舉人萬曆二十年任

隆慶崇安縣志八卷崇安邱雲霄著道光通志云隆慶二年知縣遂安余

乾貞修並序案雲霄字凌漢嘉靖閒貢生官柳城知縣

嘉靖永定縣志永定陳吳張一洪同著知縣許文獻序云永定志肇於成

化年閒知縣王公教諭謝公實爲之凡開縣始末志載已詳自後八十

餘年屢有欲修之者而不果余於嘉靖乙卯承乏是邑乃亡其固陋因

舊志而增輯焉案吳一洪均嘉靖閒諸生

隆慶福寧州志福寧盛繼著自序云志兼二屬邑今冠以州總其綱也目

凡十卷十有二屬者嘉靖戊戌志方開局予適之遂昌州尹謝公廷舉

留定章程辭而去丙寅孟冬分守毅所黃公以修志請明年隆慶春復

申前議乃與林甥肖雲分任之發凡起例甥之功居多予特盡出其手

日所記刪削而補正之六閱月事竣福安國子劉元士寧德庠生薛孔

洵皆以黃公命召至邑經多故續增事蹟其所草也案繼字朝善嘉靖

閒貢生官教諭肖雲名變民字子之嘉靖甲辰進士官廣東按察司簽

事

萬曆泉州府志二十四卷晉江黃鳳翔著自序云吾郡志不知何昉所可

知者宋嘉定淳熙我朝嘉靖隆慶各有志自隆慶戊辰迄於今四十有

五載楚梅城陽公田戶曹大夫出守吾郡左顧翔而屬之筆案鳳翔字

鳴周隆慶戊辰進士官至禮部尙書

南康志十一卷大田田瑄著四庫全書總目云瑄隆慶辛未進士官南康

府知府是書成於萬曆癸巳門目雖繁而條貫有序猶與記中之不甚

猥雜者

萬曆寧德縣志八卷寧德陳瑄著自序云吾寧辛酉遭大難典籍燬舊

志斯沒萬曆己丑吾舒公以洪郡人豪製錦寧邑趙少莘湯賓吾吳月

溪三先生振鐸寧庠相謀亟修以其事屬之予取嘉靖初年閩蘭莊所

修縣志以爲依據釐爲八卷案舒名應元南昌人瑄隆慶閒歲貢生官

福建藝文志 地理 都會郡縣 明

七

福建通志 總卷二五

太和縣志陳瑄著案瑄以歲貢授太和訓導太和無縣志瑄始纂之

順天府志六卷長樂謝杰著沈應文續四庫全書總目云杰有使琉球錄

已著錄應文字徵甫餘姚人隆慶戊辰進士官至南京吏部尙書是書

成於萬曆癸巳頗爲簡略所立金門圖京兆圖諸名粉飾求新尤明季

繼述之習

萬曆四川總志三十四卷魏樸如游樸童良同著四庫全書總目云樸如

題敘州府同知良題諸生皆不知其里貫樸福寧人萬曆甲戌進士官

成都府推官是書凡省志四卷郡縣志十四卷經略志附以雜記共十

四卷又八卷詩四卷其書於尹吉甫商瞿董永楊時之類舊志誤收者

頗有駁正於趙戒張商英之類舊志溢美者亦頗有簡汰惟職官不載

守令未免疎略而以先代帝紀列於前亦非輿記之體也

續溪縣志晉江陳嘉策著徽州府志云嘉策字與偕萬曆甲戌進士授績

溪知縣勤敏仁廉修志以備文獻

廣西通志四十二卷晉江蘇潘耒著自序云潘耒嘗遊堯山望錫海而入閩方東窮都嶠其開華夷雜處絲棼蟬集自嘉靖以來無歲而不尋師今年征古田明年征十寨後年征府江其事胡可勝紀潘耒不自量寬之往歷詢之詰人故老因舊志稍更之而增其未備若戰功籌策錢穀甲兵尤縷縷列焉庶自附於裨官帳籍之末簡不暇計其文與否也

萬曆漳州府志三十八卷漳浦劉廷蕙等著戴燿序云宋之爲志者四祥符圖經淳熙嘉定淳祐諸志是也本朝嘉隆以前之爲志者三武陵陳公盱眙盧公忠州盧公所迭編摩前志是也吳興昭余閔公守郡三載績成於是分曹授簡而屬不佞序之案于頤堂書目題閱夢得撰蓋知府主修者廷蕙字雲嵩萬曆庚辰進士官至廣西參議

萬曆王融志四卷福清葉同高等著道光通志云萬曆已未重修凡城池志人物志武功志閩貞志四卷王修邑侯王政新萬曆甲辰進士協修

福建藝文志 地理 都會郡縣 明

大

福建通志 卷二五

學博柯鳳瀛莆田人萬曆已酉舉人司訓林東光莆田人明經林宏簡茂才陳韶祖邑人林有臺序曰自上虞朱侯嘉靖開一再輯之閱今百春秋矣邑侯京口王公慨然釐新其事請於少師葉公時公應天子召趨入淪扉獨傳人文品隨之餘則以殘編屬林廣文陳文學彙次焉而編摩潤色則省元希聲郭公也

萬曆福州府志七十六卷閩縣林材著道光通志云世善堂書曰有林仲山福州府志七十六卷數與此合仲山林材號也案材字謹任萬曆癸未進士官至南京通政使

廣東長樂縣志十二卷福寧張大光著案大光字叔敬萬曆乙酉順天舉人官廣東長樂知縣

閩書一百五十四卷晉江何喬遠著四庫全書總目云喬遠字稚孝號匪莪萬曆丙戌進士官至南京工部右侍郎閩自唐林謂有閩中記宋慶曆中林世程重修之歷南宋及元皆無總志明成化間莆人黃仲昭始

爲八閩通志土應山復爲閩大記閩郡記全閩記略皆草創未備高遠乃奮萃郡邑各志案考前代載記以成是書分二十二門曰分野曰方域曰建置曰風俗曰版籍曰杆閭曰前帝曰君長曰文瀝曰武軍曰英舊曰方技曰宦寺曰方外曰閨閣曰島夷曰靈祀曰祥異曰雜事曰南產曰蓄德曰我私其標目詭異多乘志例杆閭志載兵防及將弁兵士額數而復有武軍志以詳其人文瀝志則合職官名宦而爲一分併均失其當前帝志載宋端宗及少帝昺端宗雖卽位於福州然止史已詳不宜復入志中且帝昺卽位於粵之潮州尤與閩無涉英舊志載人物而復分縉紳并幹關柝章布閭巷僑寓裔派爲七類轉覺消雜官寺志專載五代林延遇明張敏肅敬三人亦非志中所應有蓄德志雜載叢談逸事並及詩話文評於名爲不稱我私志則喬遠自志其宗族雖倣古人自敘之例而稱名不典語多鄙野其文辭亦好刊削字句往往不可句讀蓋不能出明人纖桃篇飾之習明史本傳亦稱所撰閩書一百

福建藝文志 地理 都會郡縣 明

九

福建通志 卷二五

五十卷案書實一百五十四卷 頗行於世然援據多舛云

安龍溪三縣置武榮州三年州廢三縣還泉州久視元年又以三縣置武榮州景雲二年改爲泉州則是書乃泉州府志道光通志謂嗣聖開升同安縣爲武榮州殊誤貞元十九年始析南安縣南界四鄉置大同場後晉天福四年始升爲同安縣也

清溪志何喬遠著昌圖南序云釋孝何先生博極羣書清溪邑侯賀君鄭重邑乘屬之何先生其義例自原縣分野至紀陵凡十八蓋秩如也案清溪卽安溪太平寰宇記周顯德二年始立清溪縣宋宣和二年改爲

安溪縣

增城縣志長樂林繼衡增城尹思敬同著案繼衡萬曆丙戌進士知增城思敬其邑進士也

平遠縣志莆田李允懋著道光通志云允懋號三浦萬曆戊子舉人四十

二年任已未續修邑志俱出自手其敘論俱任內文移雖於志體不合亦見其綜理之周云

萬曆興化府新志五十六卷莆田林堯俞著陳經邦序云吾郡自宋紹熙乃有志又三百一十年而我朝弘治辛酉始續之又七十餘年而萬曆乙亥復續之至於今三十九年郡守馬侯請予及司成林君典其事予以老且病固辭司成遂獨任之而舉人周子迪林子鳳紳士郭子喬泰柯子憲世黃子光鄭子繼銘宋子祖烈陳子承勛陳子道昌實分纂之案堯俞字杏伯萬曆己丑進士官至禮部尚書

萬曆永福縣志五卷長樂謝肇淛著道光通志云此萬曆壬午志也首卷標名稱知永福縣事桂林唐學仁王修工部營膳司員外郎郡人謝肇淛纂修郡庠生侯官陳鳴鶴同修布衣徐勛分纂學部圖書館方志目作六卷云萬曆四十年寫本自序案四十年係壬子道光志作壬午誤也肇淛壬辰成進士始官南京刑部主事後歷兵工二部何得於前

福建藝文志 地理 都會郡縣 明

年

福建通志 總卷二五

年之壬午選官員外郎耶

真略十卷謝肇淛著四庫全書總目云此書乃其官雲南時所作分爲十門一曰版略志疆域也二曰勝略志山川也三曰產略志物產也四曰俗略志民風也五曰績略志名宦也六曰獻略志鄉賢也七曰事略志故實也八曰文略志藝文也九曰夷略志苗種也十曰雜略志瑣聞也雖大抵本圖經舊文稍附益以新事然肇淛本屬文士記誦亦頗博洽故是書引據有徵敘述有法較諸家地志體例特爲雅潔薛承矩序稱其上以搜楊終常璩之所未及下以補辛顯怡李京楊慎田汝成諸紀載之漏遺杭世駿道古堂集有是書跋亦謂其詳遠略近博觀而約取蒼山洱水之墟稱善史焉非溢詞也

丑纂修

新會縣志龍巖州王命璿著案萬曆二十三年命璿官新會時修命璿字

君衡萬曆甲辰進士官至刑部左侍郎

萬曆松溪縣志稿松溪魏濟真憲時同著案清已見憲時字法侯萬曆甲辰進士官至河南按察使

番禺縣志長樂鄭陞著廣東通志云陞萬曆三十七年知番禺邑志久缺陞纂輯乃有成書案陞萬曆甲辰進士

崇禎海澄縣志海澄蔡國禎龍溪謝宗澤張燮同著梁兆陽序云澄望縣也然閩疆最晚余甫下車覓掌故而典籤以爲末之前聞爲六十年來一欠事會觀察蔡公大衆謝公同時里居余就謀所以屬綴者聞隱居

張紹和先生巖棲修古遠近奉爲司南余亟禮謁之事無大小悉屬二君子爲政凡數易稿而梓事成案國禎字虛谷萬曆癸丑進士宗澤字

麗卿萬曆丙辰進士燮字伯紹一作和萬曆甲午舉人

萬曆惠安續志惠安黃士紳著楊國章序云不佞承乏惠邑考邑故志始嘉靖庚寅少保張襄惠纂也今按臺陸公檄諸邑採故實以續聞志不

福建藝文志 地理 都會郡縣 明

年

福建通志 總卷二五

侯屬筆黃生英薦贊承襄惠別輯成書

嘉靖邵武府續志漳浦趙命台莆田柯壽愷同著案命台萬曆戊子由仙遊籍中式舉人官邵武學教諭壽愷字克錫號蓬巖萬曆間貢生官邵武學訓導

萬曆邵武府志邵武侯袁吳起龍同著知府魯史序云丁巳冬奉命守昭武浹月而邵武令吳君以郡志成將登木持以示余爲綱者十爲目者九十有一爲卷者十二是按臺陸公徐公李公所檄修繕紳侯公吳公所哀次而歲薦朱文學謝周上官邱生所參訂者也案袁起龍俱萬曆間貢生袁陽春知縣起龍上饒知縣朱名文興字任卿

萬曆延平府志五卷南平吳必學林瑄同著石遺室書錄云督修者知府易可久嘉靖乙丑進士必學字以思嘉靖丁酉舉人歷知亳州海州象州遷九江臨江郡丞瑄萬曆間貢生

南安文徵私志南安黃懋中著李廷機序云黃君與余爲文字交有年矣

所著南安文徵私志蓋因邑志久廢修之以備野史君子有及晚事
谷溪云案樞中萬曆間貢生官蘇州通判

萬曆福寧州志十六卷福寧陳朝策張大光同著案朝策字麟垣萬曆間
貢生官恭城令遷宿州知州明史藝文志但著大光無朝策名

崇禎福安縣志福安陳曉梧著案知縣龍川巫三祝修三祝龍川進士崇
禎四年任曉梧字斯卿貢生

福清縣志福清郭文祥著道光通志引文祥紀事云前志載自宋者係林
學可黃忠甫兩先生所著呂侯禮請莆田林寒谷先生纂修時爲嘉靖

甲午先雲橋公著有玉融辨義傳記先海嶽公勳葛密討釐爲玉融古
史十卷視舊志加詳先忠烈公嘗取而卒業焉顏曰新志又因歷任列

難垂成而廢謝甲午迄今壬子計一百四十餘載矣世遠時殊尙煩增
補爰取裁於何司空閩書林文恪府志曹宗伯八閩名勝郡中承閩省

賢書庶幾風化有關典章不泯案又祥字孟履崇禎庚辰進士官膠州
福建藝文志 地理 都會郡縣 明 三

知州明亡隱居
崇禎汀州府志長汀馬上榮著案郡志弘治十年纂修者郡伯邵有道司
訓何雲邑庠王惟伋李孟魁清流孝廉伍晏崇禎初年草創者郡伯宣

繼良崇禎十年續成者郡伯唐世涵皆上榮始終編纂之上榮崇禎間
諸生

寧化縣志七卷寧化李世熊著石遺室書錄云元仲先生本明末一作手
此志略仿康對山先生武功縣志全縣事實申胸中筆墨簡括故千餘

年僅以七卷賅之分土地人民政事三部尤爲賅括惟分類至五十之
多疆界不入於建邑而都置村鎮街市又入於疆界則如元符開析本

縣六團里併長汀二團里置清流縣者疆界不因而變易乎似宜台建
邑疆界爲疆界沿革表而都置村鎮止詳見在者另立一門較爲明哲

職官改稱官師係仿康對山武功縣志然官師二字僞孔傳以師爲眾
解作眾官則倒置不詞左傳杜注解作長官一縣中有知縣縣丞巡檢

典史等長官不足以括之稱官師不如本周禮設官分職稱職官之當
既有選舉又有科目廩生監生官廵檢典史等者亦列科目甚無謂矣

人民部中又分人物一總目人物之中又分九目是自歧其例矣既不
以選舉科目入人物則選舉當入政事部既有歲役又有款目又有度
支不如高兩農先生光澤志之總於賦役其先聖先儒歷代崇祀爲至
國所公其省志且不應載縣志載之何爲至先師世系孔子弟子尤縣
志所不應載臣班固歸歲役何足獨立一門此皆其可議者也世熊崇
禎末諸生

下雉纂一卷侯官馬嶽著石遺室書錄云下雉漢縣名屬江夏郡見漢書
地理志今武昌府興國州東南款字季聲據自序云浪跡所至輒好山

水間風俗暇而筆之此其天啓癸亥判下雉時所作又云下雉屬武昌
郡僻在一隅自分縣建置以至山水樓觀寺宇而什一及於風土時務

獨人物不可得而詳惟一二節婦與異聞怪事錄之要皆嘉隆以來確
福建藝文志 地理 都會郡縣 明 三

有可紀者州乘成於弘治十九年後無嗣作云云此書係注韓居所藏
鈔本前不徐興公序明以上

順治寧洋縣志莆田張豐玉纂案州志職官表寧洋教諭張豐玉順治十
三年任知縣蕭亮序

康熙福安縣志南平李襄猷纂案康熙十六年知縣遼陽宋嗣炎修襄猷
順治間拔貢生官教諭

康熙泰寧縣志泰寧江應昌雷民望同纂案康熙庚戌知縣洪濟序應昌
順治間貢生

臺灣府志稿臺灣王喜纂案喜康熙初貢生首撰臺灣志後之修志者多
采焉

康熙莆田縣志三十六卷莆田林麟煊朱元春同纂案康熙四十四年修
知縣嘉善金泉謝麟煊康熙庚戌進士元春康熙辛酉舉人

康熙沙縣志十二卷沙縣鄧文修黃鼎陳與謙等同纂案康熙四十年知
康熙沙縣志十二卷沙縣鄧文修黃鼎陳與謙等同纂案康熙四十年知

縣平樂林采修之文修康熙癸丑進士鼎與謙康熙己卯舉人

康熙永定縣續志海澄李基益纂案康熙三十六年知縣趙良生修基益

康熙甲子舉人

康熙壽寧縣志壽寧柳上芝等輯案康熙二十五年修知縣河南舉人

山陰趙廷機九皋序云邑乘始修於明嘉靖戊申張公鶴年繼修於萬

曆乙未戴公鏞崇禎己巳馮公夢龍疊羅兵燹棄梨灰燼於是延學博

王公錫貞周公坊邑紳柳公上芝范公大廷等共襄盛事

雍正崇安縣志崇安張彬等輯案雍正十一年知縣新鄭劉靖修彬字幼

賓康熙庚午舉人

臺灣紀略一卷長樂林謙光著四庫全書總目云謙光字芝初編乃康

熙二十三年平定鄭克塽以後所作分十三篇一曰形勢二曰沿革三

曰建置四曰山川五曰沙線礁嶼六曰城郭七曰戶役賦稅八曰學校

選舉九曰津梁十曰大略十一曰地理十二曰風俗十三曰物產而附

福建藝文志

地理 都會郡縣 清

書

福建通志

以澎湖版圖開闢之初規模草創故其文皆略存梗槩不及新志之詳

明然固新志之推輪也案謙光康熙間副貢生

連江邑志二十九卷連江陳潤纂道光通志云連江歷代修志姓名無潤

姓名與鄭霄志同而是書卷帙較多豈同時各有纂輯與案潤字肅兩

康熙間貢生

康熙仙遊縣志仙遊郭彥俊纂自序云邑志始自宋寶祐五年丁巳縣尉

泉州黃公巖孫元至正十一年修者朝散大夫河東田公九嘉明弘治

三年修者朝列大夫邑僊飛陳公遷正德九年修者奉政大夫郡忍庵

彭公甫嘉靖五年修者中順大夫郡忍庵公男大治嘉靖十七年修者

中憲大夫郡林公有年至於清百一十有八年矣俊不揣末學依原本

而確者存之略者詳之無者補之斷者續之案彥俊康熙間貢生

康熙永春州志漳浦蔡祚週等纂案縣志作桃源志知縣鄭功勳序

康熙海澄縣志海澄陳寅亮林惇同纂知縣李敬之序云自勝國時邑令

梁公創修閱六十餘載前令合肥胡公始增輯之予嘉二公修輯之功

實不可泯乃割滂傳屬陳君董其成案寅亮惇皆康熙間太學生

政和志草二卷政和吳廣瑛纂案廣瑛號兆渭康熙間貢生家居時檢舊

志喟然曰政和志不修百餘年矣及今草創無聞後有作者將何所考

訂耶因成志草二卷

康熙泰寧縣續志泰寧江孝緒廖壽元同纂案康熙甲申知縣甘國瑛續

修孝緒字西銘康熙間拔貢生

康熙永定縣志永定陳鈞奏等纂案康熙壬子知縣潘朔清重修總裁者

邑人前監察御史熊興麟舉人吳祖馨同修者進士萬熙顧黃日煥等

秉筆則歲貢生陳鈞奏也

連江邑志十六卷連江鄭霄纂案嘉慶連江縣志前列歷朝修輯姓氏未

載霄名豈霄嘗輯而未成歟霄康熙丙子舉人

乾隆泉州府志七十六卷永福黃任晉江郭廣武同纂廣武序云宋嘉定

福建藝文志

地理 都會郡縣 清

書

福建通志

淳祐二志僅存其名明白洪武至嘉靖乙酉方一修之歷隆慶戊辰陞

事增華頗稱詳備萬曆壬子大加刪汰以就省約我朝康熙雍正年間

兩經修輯修議中止至今百五十年中建置之有異同規制之有廢興

官師名數之有因革或今無而昔有或名在而述亡記載之書均不可

缺太守涵邨懷公廣徵羣言開局於承天寺西自辛巳春至壬午秋而

後脫稿案任康熙壬午舉人

乾隆永春州志三十五卷黃任同從子黃惠纂案乾隆二十二年知州青

浦杜昌丁修昌丁序云永設州以來不佞首承乏今且二十餘年矣中

以養去者一以奉使去者一以署篆去者三丙子夏敦聘余友永福黃

十硯偕其小阮咸迪同屬筆焉凡十閱月而書成

重修漳州府志漳浦蔡世遠等纂二希堂文集云康熙庚寅春相鄰念庭

魏君守吾漳漳郡志自萬曆至今闕百年矣君治漳二年已得其山

川戶口風土人情盛衰因革之大槩余時守制家居謂余曰願以相履

因與陳君石民李君麟蒼陳君少林汪君嘉仲等經始於癸巳四月君不憚搜羅不惜糜費凡九閱月用就厥緒甲午春余以臬闈入都人物賦役二卷未及室藉陳李諸君相與續成之案世遠康熙已五進士謚文勤

乾隆福清縣志二十卷福清林昂李修卿同纂昂序云福清志重修於康熙壬子歷今七十餘年邑侯南豐饒公猷以是事委余與邑中諸君子折衷前志搜訪舊聞採輯近事以成此書案昂康熙壬辰進士籍侯官福建通志七十八卷閩縣謝道承福清劉敬與纂浙閩總督郝玉麟等監修四庫全書總目云福建自宋梁克家三山志以後記輿地者不下數十家惟明黃仲昭八閩通志頗稱善本而亦不免闕略又自明立福建布政司分建屬郡以福興泉漳為下四府延建邵汀為上四府清臺灣既入版圖而福州所屬之福寧亦升州為府泉州所屬之永春漳州所屬之龍巖又各析置為直隸州建置沿革多與昔異以舊志相較每與福建藝文志地理都會郡縣清

今制不同且福建三面環海港汊內通島嶼外峙一切設險列成之要舊志亦多未詳雍正七年承詔纂輯通志因取舊志之煩蕪未當者刪汰冗文別增新事其疆域制度悉以現行者為斷至乾隆二年書成玉麟等具表上之自星野至藝文為類三十為卷七十有八視舊志增多十四卷如沿海島澳諸圖舊志所不載者皆為詳繪補入足資考鏡於體例亦頗有當案此志以首列郝名著錄家多稱郝志然不能以監修冒總纂也道承號古梅康熙辛丑進士官至內閣學士敬與字鄰初雍正癸卯進士官行人司四庫總目稱此志視舊志增多十四卷所謂舊志未知何指若指八閩通志則八閩志係八十七卷反減少九卷若指鄭開極所修通志則鄭志始終不傳四庫並不著錄焉知卷數總目此言可謂不詞矣

續羅源縣志十二卷羅源陳大經纂道光通志云縣志自崇禎時章簡修後至康熙六十年百餘年矣大經旁搜博採續成縣志十二卷藏之隆

通知縣王楠欲重修葺乃出之以資考核焉案大經字尊彝郵縣志四冊福安李馨纂案乾隆十六年署任四川郵縣時所纂修也署字少白雍正癸卯舉人

乾隆長泰縣志十二卷平和賴翰禹纂案乾隆十三年知縣鎮海張懋建修翰禹序云泰為漳郡東邑建於南唐而志書之作自明南海張公廬陵蕭公始垂五十餘年南陵管公瑞安方公增修之則萬曆甲辰志是也又八十餘年三韓王公邑紳葉公復輯之則今存舊志也歲戊辰張侯謀新之屬其事於余凡六閱月而竣案翰禹雍正癸丑進士

乾隆永定縣志八卷永定王見川安福鄒貽善同纂案乾隆十八年修知縣安福伍煒見川乾隆丙辰進士

來鳳縣志同安林翼池纂案翼池乾隆乙丑進士官來鳳知縣縣新設未有志翼池捐俸創修

乾隆大田縣志十二卷順昌葉銘漳浦林虎榜同纂案乾隆二十年修知福建藝文志地理都會郡縣清

縣陝西李某教諭葉銘乾隆癸酉舉人訓導林虎榜乾隆癸酉拔貢虎榜跋云縣志初自嘉靖二十八年知縣謝廷訓修於萬曆辛亥知縣劉維棟再修於康熙二十四年知縣葉振甲提綱八列目五十名多事略所宜增刪今條目凡二十四

乾隆龍溪縣志二十四卷永福黃惠纂案乾隆二十七年知縣陽湖吳宜燮修宜燮有序惠字成迪任從子乾隆甲戌進士官高安知縣

乾隆海澄縣志二十四卷海澄葉廷推南豐鄧來祚同纂知縣陳銑序云澄舊志缺而不修七十年又自劃浦地益三之一未入編卷迺聘請名宿纂輯成書以備國史之採知縣王作霖序云澄志修於康熙癸酉今七十年矣前令江西陳君鎮修之作霖踵成之案廷推乾隆甲戌進士

乾隆莆田縣志三十六卷莆田廖必琦林贊同纂案乾隆二十二年修時知縣吳縣汪大經鄭城王恆賈凝吉序云興化志自宋紹熙壬子郡守趙彥勵創造成書而莆之山川土田人物著焉我朝康熙甲申乙酉之